

www.BibleForChildren.org

Matêwre 26



Tã nhũm ra
Pas wỳr apkati
grêre. Ra hwỳr
apkati kêp 6.

Jakamã pa mẽ ma
akupỹm krĩ pê Petãn wỳr
Jejus kôt mỗ. Jejus kot akupỹm
Rajare ho hĩr xwỳnhnta mẽ
ỗ krĩ hwỳr pa mẽ akupỹm
mỗ nẽ Rajare nhõrkwỹ
hwỳr pỏj nẽ mẽ hwỳr agjê.

Hãmri nhũm wa htõx Marir Jejus
kukamã tanhmã hamaxpẽr to nẽ
hamaxpẽr o: —Ma kot paj tokyx mẽ kot mẽ ixpê
hpĩr kukamã mẽ hkuxwaxà ho hkuxwa. Anẽ.



Hāmri nē kàx
rax kām mẽ
hkuxwaxàja py nē
o tē. Ra rit kahti hkôt
hitep xà nhũm kupy nē
hwỳr o tē. Mẽ kot mẽmo
htwỳm o mẽ hkuxwaxà
mex nhĩpêxja na pre hã
kàxpore xohtô rax
kumrêx. Jakamã nhũm kupy
nē Jejus wỳr o tē nē hpar ã hkapĩr
pa nē amnhĩ krã hkĩ ho hpar grà ho
nhỹ nhũm ra ixkre kuxwa htỳx kumrêx.



Tã nhũm Jut Kariotja. Jejus kôt mẽ pa ho mẽ pa xwỳnh
pê 12 hõ na pre. Tã axtem nẽ Satanasti nhỹ hã ma
patre krãhtũmjê hwỳr tẽ nẽ axtem
nẽ tanhmã Jejus o mẽ mar to
nẽ mẽ kãm: —E ot pa mẽ
amã Jejus jarẽnh o tẽ.
Xà kot paj mẽ amã
hã amỹnê ka mẽ
hpãnhã inhmã
amnhĩre nà?



Aně.Hāmri nhũm mẽ kuma nẽ hkĩnh nẽ. Hāmri nẽ kãm:
—Nà kot paj mẽ amã amnhĩre. Aně. Hāmri nhũm mẽ
kuma nẽ kato nẽ ma tẽ nẽ Jejus
pynênh kaxyw htãnopxar
o hkôt ri pa.



Hāmri nhūm wa kuma nē ma Jerujarē
hwȳr tē. Nē hwȳr axà hāmri nē ra
kot wa kām mēmoj jarēnh xà hkôt
mēmoj piitā omu hāmri nē mē ixkutêp
mēõ hã àpēnh o wa xa. Tã nhūm Jejus
pãwti hõ py nē Tĩrtūm mã harē nē mē
inhmã ho hkry nē ho mē inhĩpêx pa nē
mē inhmã: —E na pa ã mē amã pãwti
ho hkry nē mē amã õr anē.

Ja pyrà nē koja mē
ã inhĩpêx anē nē
te ixto hkry hpar
pyràk o inhĩpêx
pa amnhĩ xà htȳx
kamã ijamak kām ty.



Nom mẽ anê kot paj ty. E mẽ mãmri
aku. Anhÿr o mẽ inhmã amnhĩ jarẽ
pa mẽ kuma nẽ kot mẽ inhmã ho hkry
xwÿnhja ku. Hãmri nhũm hpãnhã kop
py nẽ mã ho anẽ nẽ Tĩrtũm mã harẽ
nẽmẽ inhmã kugõ nẽ mẽ inhmã:

—Mẽ kot ixpĩr xà hã arĩgroja ã koja
ixkamrô axkapĩ. Nom koja mẽ amarĩ
ixpĩr nhũm amarĩ ixkamrô

hpikapĩr kêt nẽ.

Ãm paa. Pa kot

paj mẽ anê mẽ

ĩhkram amnhĩ jaxà

nhũm mẽ ã inhĩpêx

anẽ nẽ ixpĩ.



Koja ixkamrô axkapĩ nhũm Tĩrtũm
omu nẽ ixkukwak ri mẽ ate ixkõt
amnhĩ xunhwyr xwýnhjê nê mẽ ate
amnhĩ tomnuj piitã te amnhĩ katut
kõt rēnh par pyræk o hipêx nẽ mẽ
ato hkra. Ra amnepêm kot ã amnhĩ
jarēnh anhỹr xà hkõt. Jakamã e
mẽ ixkamrô pikapĩr mã
ajamaxpēr pê wĩhti ho
akõm o axpēn
nhĩpêx.



Tã nhũm Jejus Simãw Pêtre mã kapêr nê kãm: —Kwa Simãw. Na Satanasti kãm hprĩ hã ixtã mẽ apiitã mẽ kamã hamak prãm nê. Tanhmã kot mẽ akrã hto nhũm mẽ ate mẽ kãm ixkurê xwýnhjê pumaj ixkaga hã kãm mẽ akamã hamak prãm tỳx nê. Jakamã ã kot mẽ anhĩpêx anhỹr kaxyw na pre ra amnhĩ to Inhõ Papaj ma nhũm kãm: “Tôe. Kam nê mãmrĩ tanhmã mẽ kamã ajamak to.” Anê.

—Tã ate mẽ umaj ixkaga nê axte ate amnhĩ kaxyw inhmã ajamaxpêr kêt Pymaj na pa




ra ato Inhõ Papaj wýr kãm ixihtỳx nê Simãw Pêtre.




Jakamã kêr ka mẽmo arĩgro hã tee ri ixkaga hã amnhĩ pumu hãmri nẽ tokyx tãm akupỹm ixkõt amnhĩ xãm tỳx nẽ. Kêr kê nhỹrmã akwỳjê hõ tanhmã amnhĩ tomnuj to nẽ tee ri amnhĩ kukamã hamaxpěr ka ja hã omu hãmri nẽ kãm ate tanhmã amnhĩ tomnuj tota jarẽ. Kê mẽ ã ate amnhĩ nhĩpêx anhỹr ã ajarẽnh ma nẽ apyrà nẽ tokyx akupỹm tãm ixkõt amnhĩ xãm tỳx kurê kumrẽx.

E kêr ka ã akupỹm ixkõt mẽ piitã mẽ hipêx anhỹr o ri apa Simãw Pêtre. Anẽ.



Nhũm pre ã Simãw Pêtre kot tanhmã amnhĩ nhĩpêx to
hkukamã kãm ujarênh anê. Hãmri nhũm tee ri amnhĩ tã
kuma nê kãm: —Kwa nà Pahihti. Kot paj ri akwým
tanhmã amnhĩ tomnuj to hkêt nê. Koja mẽ te ajaxà nê
apĩ htã kot paj arĩ akôt ri ixpa ho ixpa nhũm mẽ pahto
amÿrà nê tanhmã pahto. Anê. Hãmri nhũm kuma nê
kãm: —Nà koja apkati
hkôt krãhyre hkàr kêt
ri ka ra mẽ umaj ate
ixkôt apa hkêt ã
mẽ kãm amnhĩ
tã axàprãr o
axkrunêpxi
kãm ga. Anê.



Tã nhũm Jejus mẽ inhmã
anẽ pa mẽ ma nhỹri mẽ
kotkãm “Gesẽm” anhỹr
xwỳnhja wỳr mra.
Hãmri nhũm mẽ inhmã:
—E mẽjar ixkutêp akrĩ.
Pa ma mũtũm tẽ nẽ Tĩrtũm
mã amnhĩ jarẽ mãn. Anẽ.
—Kwa Papaj. Hêxta waa
nẽ. Inhmã amnhĩ xà htỳx
kãm ijamak prãm kêt kumrẽx.




Na pa tee ri amnhĩ kukamã
ijamaxpěr nẽ amnhĩ kamã
ixkahak tỳx nẽ. Jakamã
kot kaj amã inhnê ja
ho ajapêx prãm nẽ
mãmri ho ajapêx nhũm
mẽ kãm ixkurê xwỳnhjaja
tanhmã ixto hkêt nẽ. Rỳ
ko. Kot kaj amã mẽ kot
tanhmã ixto hprãm kê
mẽ mãmri tanhmã inhĩpêx
to. Nom pam inhmã hprãm
xà hkôt kê.



Jakamã pa mẽ hwỳr pôj nẽ ixkrĩ hpa
nhũm mẽ mẽ ixwỳr mra. Jut Kariot
mẽ pôristijaja. Rõm nhõ xwỳnhjê
nhõ pôristijê mẽ patre nhõ
pôristijaja nhũm mẽ mẽ ixwỳr
Jut Kariot kôt mra. Ijaew
nhõ pahijê nhỹ hã mẽ ixwỳr
mra. Piitã wapohti jamỳ nẽ
pô hpôk nẽ kanê jamỳ nẽ mẽ
ixwỳr hpôk o kato. Hãmri
nhũm hõta kuma nẽ mẽ
kaxyw ja kapa.



Nhũm mẽ õ patre maati mã àpênh xwýnhja mẽ hkôt
tẽ nhũm omu nẽ kãm wapo ho apê. Nẽ kot ho hkrã
nhĩpôn timer mã tã kuhpaw nẽ ho upôk rũm
hamak nhĩkjê pix krãhta. Hãmri
nhũm Jesus omu nẽ nê kãm kapêr
nẽ kãm: —Kwa nà ri ã amnhĩ
nhĩpêx anhỹr kêt nẽ. Amarĩ
xa. Anẽ. Hãmri nẽ hamakja
py nẽ akupỹm kãm hamak ã
kuxi nẽ ho mex.



Tã nhũm mẽ Jejus pynê nẽ ma o tẽ. Ma mẽ õ patre maati nhõrkwỹ hwỳr o tẽ. Nhũm Simãw Pêtre ma hapu hã mẽ hkôt hã mẽ omunh o tẽ. Nhũm mẽ patre maati nhõrkwỹ hwỳr Jejus o axà nẽ hkôt gjêx pa hãmri nhũm Simãw Pêtre kĩtare hwỳr axà nẽ mẽ kuri xa. Nhũm mẽ kĩtare kamã amnhĩm kuto nẽ hã ànhunh o hkrĩ nhũm mẽ ãhkô hã ànhunh o nhỹ.



Hāmri nhũm hpānhã mẽõ
patre maati mã àpênh
xwỳnhja mãānēn omu.
Simãw Pêtre kot kêp
hamak krãhyr xwỳnhhta
kwỳ na pre. Jakamã nhũm
hprĩ hã omunh mex kurê
kumrêx nê kãm: —Kwa nà ka
na ka mũtar pĩ hkôta kamã mẽ
ĩhkô hã xa pa apumu. Anẽ.



Hāmri nhūm tee ri kuma
nē axte mẽ kām amnhĩ
tã aprār kām hihtỳx nē.
Jao ra mẽ kām amnhĩ
tã aprār o axkrunēpxija
mẽ nhūm krāhyre hkār
kurê kumrẽx. Ra Jejus
kot hkukamã harēnh xà
hkôt kêp hkwỳ hkêt ã
amnhĩ tã aprār o axkrunēpxi.
Hāmri nē hkaprĩ xàj kĩtare
pê kato nē tẽ nē awry hã xa
nē mỳr rax kumrẽx.





Tã nhũm mẽ Jesus o kato nẽ nhãm
Pahihti Pirat wỳr o tẽ. Hãmri nhũm
Pirat mẽ kuma nẽ Jesus pumu nẽ
kãm: —E kwa inhmã amnhĩ jarẽ.
Xà apê Ijaew nhõ pahi
na ka? Xà ka na htem
amnhĩ wỳr akãm hamak
o pa? Anẽ. Hãmri nhũm
kãm: —Nà ãm hãmri na
ka ã ijarẽnh anẽ. Anẽ.



Nom nhũm kãm Jejus mã urer prãm
jakamã axte hã mẽ hkukja nẽ mẽ
kãm: —Kwa nom mẽmoj mýrapê
kot paj mẽ kãm hã amỹnê nhũm
mẽ amã kupĩ? Anhỹr tã
nhũm mẽ kuma nẽ ãm
kuma. Nẽ xatã kãm:
—Kwa tokyx pĩ kahpa
hã anhô kê ty. Anẽ.




Hāmri nhūm Pirat tee ri ja hā mẽ kuma
nē tã Jejus ã pōristi mã karõ nē mẽ
kãm: —E mẽ māmĩ ma o tẽ nẽ pĩ kahpa
hã anhô kê ty. Anẽ. Hāmri nhūm mẽ
kuma nẽ ma o tẽ. Hāmri nhūm pōristija
Jejus mã õ pĩ kahpa gõ nhūm kutu nẽ
ma mẽ hkõt hkjênh o mõi. Nhūm mẽ krĩ
rũm ho kato nẽ ma hixêt prêk wỳr o tẽ.
Hixêt prêkja mẽ kot harênh o: “Korkot”
anẽ. No mẽ ixpê Ijaewjê
kapêr kãm na pa pre
htem harênh o “Mẽ
hkrã hi xà” anhỹr
xwỳnhta wỳr nhūm
mẽ ma o tẽ nẽ hã ho api.



Hāmri nē pikap pī kahpa xi nē hā Jejus
xi nhūm hā nō nhūm mẽ prek o ĩhkra
ho htỳx nē hpar o htỳx. Hāmri
nē kaxyw hkakwỳ nē
hkakwỳnh pa nē
kamā pī kahpata
xām nē hity
hpa nhūm
Jejus kỳx pē
ajêt. Hāmri nhūm
mẽ mãnẽn wa ho hamẽxkrut nē pī
kahpa hā wa kunhō nhūm wa kuri
ajêt. Wa kot tanhmā amnhĩ tomnuj
to xwỳnhja wa ho akutã Jejus nhĩjê
nhūm wa uràk nē kỳxpê ajêt.



Nom nhũm kormã kamàt kôta ã nhũm Jejus ra htyk
kaxyw nẽ àmra kamã Tĩrtũm mã kapẽr nẽ kãm: —E
Papaj. Mãmrĩ ixkarõ ho amnhĩptà. Anhỹrja kôt hãmri ty.
Pu nhũm Tĩrtũm mã amnhĩ jarẽnh xà hã
ixkre kamã hakwakre hã kupẽxêja
axkjê nẽ amnhĩ kahê xà mẽnh
kurê kumrẽx. Utĩ rax tã kôt ã
axkjê nẽ amnhĩ kahê xà mẽ.
Te Jejus htyk o kot mẽ
pahte hkôt amnhĩ xunhwỳr
xwỳnhjê mã Tĩrtũm wỳr
pry jakwa kre kahê xà
mẽnh pyràk o ã
amnhĩ nhĩpêx
anẽ.



Jakamã nhũm Juje hõ pê Arimatej nhõ
xwỳnhja. Kêp Ijaewjê nhõ juisti hõ
na pre. Nhũm mẽ piitã kãm
hkĩnh nẽ axpẽn mã mex
o mex ã harẽnh o pa.
Na pre Tĩrtũm kot mẽ
pahwỳr Jejus mẽnh
kõt hamaxpěr o pa.
Tã Jejus htyk ã

omu hãmri nẽ hamaxpěr
o: —E pa ma pahi Pirat
wỳr tẽ nẽ Jejus nhĩ hã
kuwỳ. Inhmã uma htã
kot paj ma hwỳr tẽ nẽ hã
kuwỳ kê inhmã kugõ pa
ma o tẽ nẽ tokyx haxà.



Kot paj ho anhÿr tokyx anhÿr kêt nhũm
mẽ panhõ arĩgromnu pê sapja wÿr
ra myt axà hãmri pa haxàr
kêt nẽ. Anhÿr o hamaxpěr
nẽ ma Pirat wÿr tẽ nẽ hã
kuwÿ. Hãmri nhũm
kuma nẽ akupÿm
Jejus wÿr tẽ nẽ
pôristi mã anẽ
nhũm mẽ kãm ho
wÿr.

Nhũm kumÿ nẽ
kupẽxê ho hkupu hpa
nẽ o tẽ nẽ kẽn kre
kakwÿnh kãm haxà.
Hãmri nẽ kẽn rax o
hitom mex nẽ ma
akupÿm krĩm tẽ.



Tã nhũm apkati nhũm mẽ inhõ
arĩgromnu pê sap kato. Hãmri nhũm
Parijew nhõ xwỳnhjê mẽ
patre krãhtũmjaja ma
pahi Pirat wỳr mra nẽ
kãm:—Kwa pahihti.

Nà amnhĩ to hêx o
pa xwỳnhhta na pre
kormã htĩr nẽ pa ri
tanhmã

amnhĩ
jarẽnh to
ho pa.



Nē nhỹrmā ty nē htyk ā apkati
axkrunēpxi pix nē akupỹm
htĩr ā amnhĩ jarē. Hāmri
nhũm mẽ kuma nē ma
hwỳr mra nē hakwakre
hā kēn raxta o
htỳx pa.



Ně mēhō kot omunh ně kahê mēnh
pymaj menh ê ho hkukō.
Hāmri ně ho anhỹr pa
ně pōristi mǎ kām: —E
Kêr ka mē jar kuri
hamār mex o akuhê.
Kê mēhō tē ně
tanhmǎ ho hkêt
ně. Anē.




Tã nhũm apkati nhũm tòmĩk. Hãmri
nhũm Marir Matarẽn mẽ Marir òja
kwỳhtã kànhmã nhỹ nẽ ma
akupỹm kẽn kreta wỳr wa
tẽ. Puh nhũm pika htertet
tỳx nẽ nhũm Tĩrtũm
kapẽr o mẽ wrỳk
xwỳnhja kẽn kre
wỳr wrỳ nẽ nhãm

hakwakre nẽ kẽn Nhũm
pôristijaja tee ri omu nẽ
kãm ma htỳx nẽ htertet
nẽ umaj pikap rôrôk pa
nẽ te htyk pyrà nẽ hikwỹ.
Raxta mẽ nẽ hã nhỹ.



Hāmri nhūm wa nita kēn kre hwÿr pōj
nē tee ri Tīrtūm kapēr o mē wryk
xwÿnh̄ta pumu. Nhūm wa
kām: —Kwa wa amã ma
hkêt nē. War ate Jejus
pumunh kaxyw na ka
wa tē. Mē kot pī
kahpa hã nhôr
xwÿnh̄ta.



Nom jar amrakati. Na ra akupÿm
htĩr nẽ kato nẽ ma tẽ. E wa kam
nẽ amnẽ axà nẽ nõr xà kaprÿ
pumu. Anẽ. Hãmri nhũm
wa kuma nẽ tee ri kẽn
kre kamã Jesus japêr
nhũm kamã
amrakati.




Hāmri nhūm wa kuma nē ma akupŷm hprōt
nē htēm kurê kumrēx. Kām ma htã
hkĩnh nē. Nē ma Jejus kôt mẽ pa ho
mẽ pa xwŷnhjê mã ujarēnh kaxyw
ma mẽ hwŷr hprōt nē wa tẽ. Pu
nhūm ra Jejus tãm wa kutã tẽ
nē wa hkaxpa. Hāmri nē wa
haêr pê wa kãm kapēr nē
wa kãm:
—Pa?



Nhỹhỹm na ka wa tẽ? Anẽ. Hãmri nhũm
wa omu nẽ hkĩnh tỳx kumrẽx nẽ hwỳr
hprõt nẽ hpar pẽ hkõn krã ho tẽm
nẽ akutã hpar ã kumỳ nẽ kãm
mex o mex ã harẽ nẽ kãm:
—Hêxta gàà nẽ. Ma amex
kumrẽx. Amex o amex. Anẽ.





Tã nhũm Jejus tã hkôt mẽ pa ho mẽ pa xwýnh pê 11
wýr kato nhũm mẽ kamã no pyma nẽ hkĩnh tỳx nẽ
omunh o kuhê. Hãmri nhũm mẽ kãm: —Kwa hêxta waa
nẽ. Marir Matarẽn mẽ akwýta mẽ kot akupým ixtĩr kãm
ixpumunh nẽ mẽ amã ijarẽnh tã ka mẽ ama nẽ ãm mẽ
ama. Pěr ãm mẽ akrã hihtỳx jakamã na ka mẽ ama nẽ
mẽ hkôt ajamaxpěr kêt nẽ. Anẽ. Tã nhũm mẽ panhõ
Pahihti Jejusja hkôt mẽ pa ho mẽ pa xwýnhjê mã kapěr
pa hãmri nhũm Tĩrtũm ma akupým amnhĩ wýr kaxkwa
hwýr ho api. Hãmri nhũm kaxkwa kamã Tĩrtũm nhĩhkô
hã upôk rũm nhỹ. Kot ãhkô hã mẽmoj piitã
ho amnhĩptàr kaxyw hkrĩ ho hkrĩ.



—Tĩrtũm kãm pika piitã hkõt mẽ apiitã
mẽ ajapê htỳx. Nẽ mẽ ajapê xàj na
pre ixpê Kra hã ixpyxi hã mẽ awỳr
inhmẽ. Ka mẽ atõ amnhĩ kaxyw
ixkõt ajamaxpěr nẽ ixkõt
amnhĩ xãm.



Hāmri nē nhỹrmã atyk tã nhũm Tĩrtũm
akupỹm ato atĩr ka wa ixkuri atĩr tũm
nē amex rãhã nē apa ho apa. Hāmri
nhũm Tĩrtũm aa amnhĩ nê nhỹhỹm
amẽnh kêt kumrẽx.



Römãn 3:23

No mẽ pahtõ na mẽ pahte Tĩrtũm mẽ Jejus wa uràk nẽ amnhĩ nhĩpêx mex rãhã ho ri papa? Nà amrakati kumrẽx. Mẽ pahpiitã mẽ pahte amnhĩ tomnuj xwỳnh kênã.

Römãn 6:23

Na hte mẽ kãm àpênh o ri mẽ pa xwỳnhjaja mẽ kãm mẽmoj tã apê nẽ àpênh pa nẽ hpãnhã amnhĩrer xà jamỳ. Ja pyrà nẽ koja mẽ kot amnhĩ tomnuj xwỳnhjaja nhỹrmã ty hãmri nẽ ma mẽ kot amnhĩ xà htỳx kamã hamak tũm xàta wỳr ma pa. No mẽ pahte amnhĩ kaxyw Jejus Kris kôt pajamaxpẽr xwỳnhjaja na hte Tĩrtũm ja hã mẽ pahpumu nẽ mẽ pajarẽnh o: —Nà ãm hãmri. Jajaja koja nhỹrmã Ixkra mẽ wa Ixkuri mex kumrẽx nẽ htĩr tũm nẽ pa ho pa. Hêxta waa nẽ. Nà ãm hãmri koja mẽ anẽ. Anẽ.



Xà tãm mẽ pahte amnhĩ nhĩpêx ã mẽ pahpumunh kôt
na hte ã mẽ pajarênh anê? Nà ãm mẽ pahte Kra Jejus
Kris kôt amnhĩ xunhwỳr ã mẽ pahpumunh kôt
pix mã na hte ã mẽ pajarênh anê.

Eprêw 9:27

ãm pahtyk tipxi htã koja Tĩrtũm nhỹrmã akupỹm mẽ
pahpiitã mẽ pahto pahtĩr nẽ ahpỹnhã tanhmã mẽ pajarênh
to nẽ ahpỹnhã tanhmã mẽ panhĩpêx to. Kormã mẽ pahtĩr
ri mẽ pahte amnhĩ nhĩpêx ã mẽ pahpumunh xà
hkôt tanhmã mẽ panhĩpêx to.

Epes 2:8,9

Xà na pu prem pahpê hkra hprãm xàj amnhĩ krã hkôt mẽ
papamjaja kãm tanhmã amnhĩ to mex to nẽ kãm: —E kwa
Tĩrtũm. Na pa ã amnhĩ to mex anê nẽ ã amnhĩ to mex anê.
Jakamã kwa ja hã ixpumu nẽ ixto akra nà? Anhỹr o
na pu prem amnhĩ to kuwỳ? John 3:16,17



Nà na pu prem ã amnhĩ to hwỳr anhỳr kêt nẽ. Na pu prem amnhĩ kaxyw hkôt pajamxpěr nẽ hkôt amnhĩ xunhwỳ nhũm ja pix ã mẽ pahpumunh kôt mẽ panê mẽ pahte amnhĩ tomnuj rê nẽ mẽ pahto hkra. Kãm mẽ pajapê nẽ mẽmoj to mẽ pakutã nojarêt rãhã ho pa jakamã na hte ã mẽ panhĩpêx mex anẽ. Jakamã na pu htem amnhĩ tã omu nẽ pajamxpěr o: —Nà na xep hte Tĩrtũmja mẽ pahte tanhmã amnhĩ nhĩpêx to ho papa hã mẽ pahpumunh kôt mẽ pahto hkra hkêt nẽ. ãm mẽ pahte amnhĩ kaxyw kãm pajamxpěr ã mẽ pahpumunh kôt pix mã na hte mẽ pahto hkra. Anẽ.

Rõmãn 10:9,10

—Kot ka mẽ atõ Jejus kêp anhõ Pahihti hã harẽ nẽ Tĩrtũm kot akupỹm ho htĩr kôt ajamxpěr. Hã koja Tĩrtũm ja hã apumu nẽ anê ate amnhĩ tomnuj o hapêx nẽ ato hkra. ãm ja pix ã mẽ pahpumunh kôt na hte mẽ pahto hkra. Anẽ.



Ně na pu htem mẽ pahkrãhi kaxwỳnh kãm amnhĩ kaxyw
Jejus mã pajamaxpěr. Ně mẽ pajakwa ho kệp mẽ panhõ
Pahihti hã harẽ. Hãmri nhũm Tĩrtũm ja hã mẽ pahpumu
nẽ amnhĩm mẽ pahte amnhĩ to mex xwỳnh
ã mẽ pajarẽ nẽ mẽ pahto hkra.

Juãw 3:16,17

—Tĩrtũm kãm pika piitã hkõt mẽ apiitã mẽ ajapê htỳx. Ně
mẽ ajapê xàj na pre ixpê Kra hã ixpyxi hã mẽ awỳr inhmẽ.
Ka mẽ atõ amnhĩ kaxyw ixkõt ajamaxpěr nẽ ixkõt amnhĩ
xãm. Hãmri nẽ nhỹrmã atyk tã nhũm Tĩrtũm akupỹm ato
atĩr ka wa ixkuri atĩr tũm nẽ amex rãhã nẽ apa ho apa.
Hãmri nhũm Tĩrtũm aa amnhĩ nê nhỹhỹm amẽnh kêt
kumrẽx. No mẽ ate amnhĩ tomnuj mỳrapê tanhmã ixte mẽ
anhĩpêx to kaxyw na pre mẽ awỳr inhmẽnh kêt nẽ. ãm
ixkukwak ri mẽ atĩr tũm nẽ mẽ amex rãhã apa ho apa
hprãm xàj na pre mẽ awỳr inhmẽ pa mẽ awỳr wrỳ.



Wam Juãw 5:11-13

E kot paj ixprĩ hã mẽ amã tanhmã ja jarẽnh to ka mẽ inhma. Nà na pre Tĩrtũm Krata mẽ pahpiitã panê ty. Jakamã kot puj mẽ pahte hkõt amnhĩ xunhwỳr xwỳnhjaja nhỹrmã ty nhũm Tĩrtũm akupỹm mẽ pahto mẽ pahĩr. Pu mẽ wa kuri pamex nẽ pahĩr tũm nẽ papa ho papa. Mẽ pahpê Jejus kwỳjaja kot puj mẽ ã pahĩr tũm nẽ papa anẽ. No mẽ kêp hkwỳ hkêt xwỳnhjaja koja mẽ nhỹrmã ty nẽ mẽ pahpyrà nẽ wa hwỳr àpir kêt nẽ. Na ka prem ixpyrà nẽ amnhĩ kaxyw Tĩrtũm Kra hkõt ajamaxpěr nẽ hkõt amnhĩ xunhwỳ. Tã pa ã mẽ amã kagàja nhĩpêx anẽ. Mẽ ate kamã harẽnh nẽ mẽ pahte nhỹrmã Tĩrtũm mẽ Kra wa hwỳr mẽ paxàpir ã mẽ pajarẽnhja mar nẽ amnhĩ kaxyw hkõt ajamaxpěr o ri apa kaxyw nẽ kapěr prãr o ri apa hkêt nẽ.



Matêwre 26-28; Rukre 22-24; Juãw 13-21

Storyline by: Edward D. Hughes

Illustrated by: Janie Forest
and Alastair Paterson

Adapted by: Lyn Doerksen.

Apinayé Bible (apn) © 1999, Wycliffe Bible Translators, Inc.
All rights reserved.

<https://www.bible.com/bible/514/MAT.1>

©2024 Bible for Children, Inc.

www.M1914.org

www.bibleforchildren.org

